

ad alopeciam confert, & ambuſta ex aceto & oleo roſaceo cuſat: cum axungia autem coxendicum dolori medetur: ventri impoſitum hydropticis auxiliatur. *Andermacus ex Galeno.*

HUMANUM ſtercus * illitum vulnera ab inflammatione vindicat, & obiter intumefcere non patitur: ſed ea ſtatim glutinat: ſiccum ex melle angine perungi commodiſſime traduntur. *Dioſcor.*

BUBULUM ſtercus * ſi recens admoveatur, vulnerum inflammationes mitigat: foliis autem involvitur, & caſſactum cinere ferventi ſuperponitur: coxendicis cruciatus ſotu compellit: illitum ex aceto duritias, panos & ſtrumas diſcutit. Exiccantis attrahentis que eſt facultatis: apum veſparumque morſus juvat. Humidum Vere collectum, cum boves herbas depaſcuntur, impoſitum aqua intercute laborantes juvat. Privatim ſuſſitu ſimi, quod a maſculo bove redditum eſt, proci dentes vulvæ reprimuntur, accenſi nidore culices abiguntur. Novi, inquit Geſnerus, qui bubulum ſtercus aridum in juſculo ignarus bibit, & à coli dolore ſtatim evaſit. Audivi etiã à viris ſide dignis, non paucos ruſticos ejuſdem potu liberatos. Quidã non ipſum excrementum, ſed expreſſum inde ſuccum bibunt, & melius habent. *Dioſcorides, Galenus & Geſnerus.*

OVILLUM ſtercus * ex aceto illitum ſanat epinyctidas, clavos, penfiles verrucas, thymos, &

A ambuſta igni, roſaceo cerato exceptum. *Dioſcor.*
LUPINUM ſtercus * ex vino albo potum colicis confert. *Galenus.*

GALLINACEUM ſtercus * omnia eadem, quæ columbinum præſtat, ſed inefficacius: privatim tamen contra venena fungorum & coli cruciatus ex aceto aut vino bibitur. *Dioſcorides.*

STERCUS SUI S YLVESTRIS aridum, * in aqua aut vino potum rejectiones ſanguinis ſiſtit: vetuſtum lateris dolorem mulcet, ad rupta & convulſa ex aceto bibitur: luxatis cum aceto roſaceo medetur. *Dioſcorides.*

MURINUM STERCUS * detritum cum aceto, & illitum, alopeciam medetur: cum thure & mulſo calculos expellit: ſubditæ infantibus muſcerdæ, alvi dejectionem promovent. *Dioſcorides.*

CROCODYLI TERRESTRIS STERCUS * mulieribus colorem nutrit in facie, nitoremque ſervat. Optimum eſt candidiſſimum, & friabile, amylo modo, minime ponderoſum, in humore ſtatim eliqueſcens: quod cum teritur, fermenti acorem quadantenus referat. Adulterant id ſturnorum ſtercore, quos captos oryza paſcunt, ipſumque non diſſimile vendunt. Alii amyllum aut cimoliam miſcent, & adſcito auchuſæ colore per tarum cribrum paulatim exprimunt, ut ſe contrahat in vermiculorum ſpeciem: qui ſiccata pro crocodylea venduntur. *Dioſcorides.*

De Excrementis ſecunda coctionis, Sectio XXIX.

FEL omne deſumendum eſt ab animalibus mediæ ætatis, quæ neque ſamem, neque ſitum paſſa, neque exercitio nimium deſatigata ſint, neque ira nimium indulſerint. Detractum à jecore, & præligatis ſilo vini, quibus & admittitur & egreditur bilis, in ferventem aquam demittitur aliquanto tempore. mox exemptum ſiccatur loco ſiccò, & reconditur. Siccatur etiam camino ſuſpenſum, nec aquæ ferventi demiſſum. Interdum eo utimur recenti, jam primum ab animali exempto, veluti felle gallorum, perdicum, piſcium, & ſimilium, quæ facile comparari poſſunt, nec magno conſtant. * Eſt autem omnis fellis vis acris, & excaſciens: intenſis tamen, & remiſſis viribus diſſerunt. Siquidem præſtantius in effectu eſſe videtur vel marini ſcorpionis, & piſcis, qui Callionymus appellatur, marinæ teſtudinis, hyænzæque: item perdicis, aquilæ, gallinæ candidæ, & ſylveſtris capræ: quod privatim prodeſt contra ſuffuſiones incipientes, & oculorum caligines, argemas & genarum ſcabritias. Ovillo, ſuillo, hircino atque urſino, taurinum multò efficacius. Felle omni perſacilem, præſertim infantibus, dejectionem quis molietur, ſi intinſit eo tomentum, aut ſimbriam ſedi ſubjiciat. Privatim taurino anginx cum melle perunguntur: ſedis ulcera ſanat, & ad cicatricem uſque perducit. Idem auribus fractis, & purulentis cum muliebri lacte

D aut caprino inſtillatum, medetur: & ſibilo eardem ex porri ſucco. Admiſceri inſuevit vulnerariis emplaſtris, & circumlimitationibus, quæ contra venenata parantur: phagedænicis ulceribus, colicis, & ſerotis doloribus ex melle prodeſt: lepras, ſurfures cum nitro & terra cimolia quàm optime purgat. Ovillum & urſinum contra eadem polleat, verum inefficacius hæc præſtant. Urſinum eclegmate comitiales adjuvat. Fel teſtudinum anginis, & in ore infantium nomis prodeſt: naribus inditum comitiales erigit. Sylveſtrium caprarum felle peculiariter peruncti luſcioſi ſanantur. Hircinum idem obit munus: thymia abolet, & luxuriantes elephantiorum extuberationes illitu reprimunt. Suillum autem contra aurium ulcera, reliquaque: omnia magno uſu aſſumitur. *Dioſcorides, & Medici Florentini.*

URINA CATI deſtillata, ad ſordiditatem valet. *Quercetanus.*

HUMANAM URINAM * ſuam cuique: bibere contra viperæ morſus, ac venena, incipientemque aquam intercutè proderit: ſcorpionis, viperæ marinorū, draconisque morſus, ea convenentiſſime foventur. Canina ad perſuadendos canis morſus idonea eſt: pruritus & lepras nitro addito expurgat. Sed vetus ulcera capitis manantia, ſurfures, pſoras & fervidas eruptiones, multò magis abſtergit: nomas, & præcipue genitalium,

lium, cohibet auribus infusa, manans pus supprimit: decoctaq; in calyce mali punicis earum vermiculos abigit. Pugni impubis resorpta urina, orthopnoicis auxiliatur: decocta in æreo vase cum melle emendat cicatrices, argema, caliginisq; ex ea & cupro, idoneum auri ferrumen conficitur. Quod in urina subsidit, illitu ignem sacrum mitigat: fervefactū cū cyprino, inditumq; vulvæ dolores mulcet, strangulatus levat, genas deterget, oculorū cicatrices expurgat. Taurina si cū myrrha instilletur, aurium dolores lenit. Aprina viribus iisdē prædita est: privatum cōminuit vesicæ calculos,

A & potu expellit. Caprina ad aquam quæ cutem subuit, cum nardi spica quotidie binis cyathis cū aqua bibitur, urinamq; per alvū extrahit: aurium doloribus instillata medetur. Asinina traditur renum vitis mederi. Lycnis urinā, quam lyncurium appellant, simulac excernitur, glaciati coirève in calculi duritiam vulgò creditum est, quare quod de ea proditum est, vanum esse convincitur. Est enim, quod à nonnullis vocatur succinum pterygophoron, ideo dictum, quod pennas ad se alluciat. Id potum ex aqua, stomacho, alvoq; fluxione laboranti convenit. *Dioscorides.*

De Excrementis tertiæ coctionis, Sectio XXX.

SUBOR omnis malus est, præsertim equi, asini & muli. * Si quidē potus, viridē tumidamq; reddat faciem; sudorem foetidum in universū excitat corpus, præsertim sub alis. Perturbat præterea tum vētriculum, tum alvum universam, gentis excitatisq; flatibus in intestinis. Quod si bibatur ex vino, delirium facit. *Matthioli.*

STRIGEMENTA à balneis, calefaciunt, molliunt, discutiunt: ad sedis rimas & condylomata illinuntur. Illa verò quæ ex palæstris pulverem sibi asciverunt, in sordis speciem redacta, articularum nodos imposita adjuvant: sic hiaditis in foribus, aut malagmaris locum, calida cōmune luficiuntur. Dersa gymnasiorum partibus, stimulant lacrisq; sordes calefaciunt: tubercula quæ agrè ad coctionem producuntur, dissipant: desquamatis, & ulceribus antiquis præstant. *Dioscorides.*

MOSCUS, excrementum est ejusdam animalis, certo anni tempore circa ejus umbilicum veluti in tumore quemdam concretum. Melior est Orientalis, subflavus. Adulteratur, quemadmodum & cætera, quæ rara sunt: sed ex colore, odore & sapore dignoscitur, præterea etiam ex pondere: nam multa admiscuntur in eo adulterando. Verum cui sincerum & verum experientia cognitum est, ex his notis facile fucum deprehendet. Servatur melius pyxide plumbea, cætra obturata per se. Excalfacit ordine secundo, siccat verò tertio. * Cor frigidum ac tremulum roborat, & omnibus ipsius affectibus opem præstat potus atq; illitus. Deterget tenues oculorum albugines, & humiditas de fluxiones exicat: cerebrum roborat, & diuturnum capitis dolorem mulcet, si tamen è pituitæ redundantia proveniat. Coles ex eo cicino oleo macerato perunctus, promptius in Venere excitatur. *Matthioli ex Ruellio, ex Medici Florentini.*

OSYPUS, est succidarum lanarum pinguitudo, quam vulgò hyssopum humidam appellat: ejus parandi ratio hæc est. Succidat lanæ molles è collo feminibusque aqua fervente macerantur, in eaque lavantur, donec sordibus benè expressis purgatæ extrahantur: deinde aqua magno impetu lignea rude agitur: aut vasculo ex-

cepta in aliam ex alto infunditur, quò largius sordida spuma supernatet: qua dissoluta, pingue supernatans aqua excipitur: rursus aqua agratur, pingueque excipitur: & hoc deinceps tantisper hec debet, dum consumpta pinguitudine, nihil prorsus spumæ extet. Collecta pinguitudo agitatur, & aqua pura respergitur, perpetuoq; ad Solem manibus miscetur, donec candida spectetur, & aquam non amplius inficiat: tum in fictili vase densò & benè cocto reconditur, & in cella locove frigido reponitur. * Emollit, resolvit, calefacit, dolores sedat. *Medici Florentini ex Dioscoride.*

SVOLIUM SERPENTIS, seu senectus anguim * in vino decocta, dolori aurium, infusa, & dentium collutione auxilio est. Addunt eam in medicamenta oculorum, sed præcipuè viperinam. *Dioscorides.*

ZIBETTUM in exteriori testiculorū utriculo ejusdam animalis, feli, qui veteribus ædificiorum ruinas oberrat, non ab similibus. Catos hæc animalia vocant, quos sæpius Venetiis vidi ex Syria delatos. Est autem Zibettum, tanquam sudor inter hujusce animalis testiculos concretescens, calidæ humidæq; facultatis. Id cavernulæ umbilici impositum, vulvæ strangulationibus mirificè prodest: proinde nec mirum est, si eo viri peni circumlito magnum mulieribus in coitu afferant solatium. *Matthioli.*

ASPIDIS exuvium tritum cum melle, suffusionibus multum conducit, si oculis illinatur. Sed præter id, visum acutissimum reddit. *Galenus.*

LAPILLI in bovis ventriculo mense Martio inventi, si assumantur cum vino albo, calculum solvunt. Experientia sæpius comprobatum.

LAPILLUS in vesica fellis tauri mense Majo inventus, qui si vino imponatur, colorem croceum, mutato paululum sapore, contrahit. De hoc vino quotidie recenti affuso singulis diebus ægri bibant, donec lapis vino impositus omnino consumptus sit. Hac ratione calculum comminui, & tandem consumi, experientia multis constat. *Quercetanus.*